

**211** des künec Tampenteires barn.  
 stolzliche er kom gevarn,  
 niwan als daz ors den walap  
 vor der rabbine gap.  
 5 daz was gewâpent wol vür nôt;  
 von samîte ein decke rôt  
 lag ûf der îserînen.  
 an im selben liez er schînen  
 rôt schilt, rôt kursît.  
 10 Clamide erhuop den strît.  
 kurz ein unbesniten sper  
 brâht er durch tjoste vellen her;  
 dâ mit er nam den poinder lanc.  
 Guveriorz mit hurte spranc.  
 15 **W**ol dâ getjustieret wart  
 von den zwein jungen âne bart  
 sunder fâlieren.  
 von liuten noch von tieren  
 wart nie gestriten herter kampf.  
 20 ieweder ors von müede dampf.  
 Sus heten si gevohten,  
 daz diu ors niht mêre enmohten;  
 dô sturzten si dar under  
 ensamt, niht besunder.  
 25 ir ieweder des geruochte,  
 daz erz viwer ime helme suochte.  
 sine mohten vîrens niht gepflegen,  
 in was ze werke al dâ gegeben.  
 dô zerstuben in die schilde,  
 30 als der mit schimpfe spilte

küniges \*G (ohne G) (\*T)  
  
 von der \*G (nur GI) (V)  
 ez was \*G  
  
 selben om. \*T O L  
 rôten sch. unde rôt k. \*T  
  
 nam er \*T  
  
 daz diu ors (Daz sie L) nimêre mohten; \*G  
  
 sament, \*G (nur GL)  
 ir om. \*G (nur GI) \*T (nur T)  
 ↓\*G \*T  
 sine m. doch viures (vwer U) n. geleben (gepflegen V), \*T  
 dâ g. (alda [Gisheh]: Gigebeu I), \*G  
  
 ↓\*G \*T

\*D: D    \*m: m Fr69 (211.3–6, 22–24 und 29–30)    \*G: G I O L Z    \*T: T U V  
 9 Initiale G I    15 Initiale D    21 Initiale Z T U V · Majuskel D    29 Initiale L · Majuskel T

24 ensamt] gesamt \*m (nur m)    26 daz erz swert (fivr O [Z]) in dem helme (in der scheide G in helme O Z) suohte. \*G (ohne L) · daz er viur in den helmen suochte. \*T (nur T)  
 30 sô (so als I) der mit (min I) schimpfe spilte \*G · also der in schimpf ([schimphen]: schimphe V) spilte \*T